

Morning Dogri (NSD) Bulletin 31-07-2024

आकाशवाणी

- केरल दी वायनाड थाहर पस्सियां पौने करी मरने आलें दी गिनतरी 135 तोड़ी पुज्जी गई ऐ।
- वियतनाम दे प्रधानमंत्री Pham Minh Chinh होर त्र'ऊं दिनें दी भारत यात्रा लेई नमीं दिल्ली पुज्जे।
- इजरायल नै आखेआ जे लेबनान दी राजधानी Beirut दे दक्खनी लाहकें च कीते गेदे हमले च हिज्बुलाह दे शीर्ष कमांडर गी मारी दित्ता गेआ ऐ।
- मौसम सरबन्धी मैहकमें नै अगले किश दिनें तोड़ी मुल्खै दे उत्तर पूर्वी, उत्तर पच्छमी, पच्छमी, मध्य ते दक्खनी हिस्सें च बड़ी भारी बरखा होने दी संभावना जताई ऐ।
- क्रिकेट च भारत नै श्रीलंका गी त्रीए ते खीरी टी-20 अंतरराष्ट्री मैच च हराइयै श्रृंखला 3-0 कन्ने जिती लैती ऐ।
- पेरिस ओलंपिक 2024 खेड्डें दे 5में दिन अज्ज भारत दे मुक्केबाज, निशानेबाजी, बैडमिंटन खडारी ते तीरंदाज अपने अपने मैच खेड्डन।

<><><><><><>

Kerla-Wayanad

केरल दे वायनाड च पस्सी डिग्गने दी घटना च मरने आलें दी संख्या 135 पुज्जी गई ऐ ते एह आंकड़ा हार बदी सकदा ऐ कीजे मलवे दे हेठ अजे होर लोथां होने दी आशंका ऐ।

इस घटना च 128 लोक जख्मीं होई गए न ते वायनाड दे अस्पताल च उंदा इलाज चला करदा ऐ। 186 लोकें गी इस घटना आहली थाहरां बचाया गेआ ऐ। आधिकारिक सूत्रें मुजब 100 थवां मते लोकें दा अजें कोई पता नेई लग्गी सकेआ ऐ। कोच्ची दे रक्षा स्रोतें आखेआ ऐ जे सेना दे त्रवें अंगें राश्ट्रीय आपदा मोचन बल ते होर दुइयां एजेंसियां सांझे तौर पर बचाव ते राहत कम्में च लग्गी दियां न। वायनाड च 45 राहत शिविर कायम कीते गए न जित्थे 3 जहार 69 लोकें गी रक्खेआ गेआ ऐ। अल्पसंख्यक मामलें दे राज्यमंत्री होर कल राती वायनाड पुज्जे ते राहत कम्में दा जायजा लैता। उनें एनडीआरएफ ते सेना दे वरिष्ठ अधिकारिं कन्नै गल्लबात कीती। कोझिकोड च मीडिया कन्नै गल्ल करदे होई उनें आखेआ जे राहत ते बचाव अभियान होर तेज करी दिता जाग। उनें आखेआ जे एनडीआरएफ दे त्रै होर बद्द दल ते सेना दे डाग स्कॉड गी बी बचाव अभियान च शामिल कीता जाग। केरल दे राज्यपाल आरिफ मोहम्मद खान ते मुख्मंत्री पिनराई विजयन होर अज्ज वायनाड दा दौरा करंगन। उत्थे गै मौसम विभाग नै मलप्पुरम, कोझिकोड, वायनाड, कन्नूर ते कासरगोड जिलें च भारी बरखा होने दा ओरेंज अलर्ट जारी कीता ऐ। तिरुवनंतपुरम ते कोल्लम च शैक्षणिक संस्थान सामान्य तौर पर खुल्ले दे रौहडन।

<><><><><><>

Rajnath Army Wayanad

रक्षा मंत्री राजनाथ सिंह होरें अजज सेना प्रमुख जनरल उपेंद्र द्विवेदी हुंदे कन्नै केरला दे वायनाड च पस्सी डिग्गने दी घटना बारे गल्लबात कीती। भारती सेना गी इस बचा ते राहत आले कम्मै च लाया गोआ ऐ।

<><><><><><>

PM Vietnam

वियतनाम दे प्रधानमंत्री Pham Minh Chinh होर व्रऊं दिनें दे आधिकारिक भारत दौरै लेई नमीं दिल्ली पुज्जी गए न। इस दौरै पर उंदे कन्नै इक उच्च स्तरीय डेलीगेशन बी आए दा ऐ जेदे च कई मंत्री, उपमंत्री ते बड्डे कारोबारी लीडर शामिल न। श्री Chinh हुंदा प्रधानमंत्री नरेंद्र मोदी हुंदे कन्नै मलाटी दा प्रोग्राम ऐ। एहदे अलावा ओह राष्ट्रपति द्रौपदी मुर्मू, उपराष्ट्रपति जगदीप धनखड़ ते विदेश मंत्री एस. जयशंकर हुंदे कन्नै बी मलाटी करंगन। विदेश मंत्रालय मुजब 2016 च प्रधानमंत्री नरेंद्र मोदी हुंदे वियतनाम दौरै मगरा सवां भारत ते वियतनाम दे सरबंधें गी होर मजबूती थहोई ऐ।

<><><><><><>

Prez. Gov. Conference

राष्ट्रपति द्रौपदी मुर्मू होर औंदे शुक्रवार थमां राष्ट्रपति भवन च शुरू होने आले गवर्नरें दे दऊं ध्याइं दे सम्मेलन दी प्रधानता करडन। राष्ट्रपति हुंदे सचिवालय मुजब सब्बनें राज्यें दे गवर्नर इस सम्मेलन च हिस्सा लेंगन।

उपराश्ट्रपति जगदीप धनखड़, प्रधानमंत्री नरेंद्र मोदी ते गृह मंत्री अमित शाह हुंदे सने कई केंद्री मंत्री सम्मेलन च हिस्सा लेंगन। केंद्री मंत्री धर्मेंद्र प्रधान, शिवराज सिंह चौहान, अश्विनी वैष्णव, मनसुख मांडविया बी सम्मेलन च हिस्सा लेंगन। सम्मेलन दे एजेंडे च 3 नमें अपराधिक कनूनें दी अमलारवरी, उच्च शिक्षा च सुधार ते होर दुए सरबंधत खेतर शामिल न।

<><><><><><>

Israel

इजराइल दा आखना ऐ जे उन्नै कल लेबनान दी राजधानी बेरुत दे दक्खनी हिस्सें च हमला कीता जेदे च हिज्बुल्ला दा शीर्ष कमांडर मारेया गेआ। लेबनान दे थेहारबंद समूह दे गढ़, दहिए च होए दे इक धमाके च इक व्यक्ति दी मौत होई गई ते कई लोक जख्मीं होई गए न। इजराइली फौज नै दस्सेया जे फुआद शुक्र लड़ाक् ज्हाजे दे शूफिया खात्मा अभियान दा निशाना हा। अधिकारिं मुजब फुआद शुक्र, शनिवारें इजराइल दे कब्जे आले गोतान हाईट्स पर होए दे राकेट हमले च कसूरवार हा। इस हमले च 12 लोक मारे गे हे जिंदे च मते सारे बच्चे हे। लेबनान दे प्रधानमंत्री नजीब मिकाति होरें इजराइल दे हमले दी निंदेआ कीती ऐ।

बेरूत च रक्षा सूत्रे दस्सेया जे इरादतन निशाने पर ओह भवन नेई हा। तोआई हिज्बुल ने अजे तगर कोई बयान जारी नेई कीता ऐ। इक इजराइली अधिकारी ने तसदीक कीती ऐ जे इजराइल ने अमरीका गी अपने बेरूत हमले दा नोटिस दिता हा।

<><><><><><>

IMD

भारतीय मौसम मैहकमे ने अगले किश दिने तोड़ी मुखे दे उत्तर पच्छमी, उत्तर पूर्वी, पच्छमी ते मध्य ते दक्खनी हिस्से च बड़ी भारी बरखा होने दी संभावना जताई ऐ। मुखे दे बक्ख-बक्ख हिस्से च अगले चार दिने तोड़ी बड़ी भारी बरखा होई सकदी ऐ। मैहकमे मुजब कर्नाटक ते मध्य महाराष्ट्र च भारी बरखा दी पेशगोई कीती ऐ।

<><><><><><>

Cricket

क्रिकेट च भारत ने श्रीलंका गी त्रीए ते खीरी टी-20 अंतरराष्ट्री मैचे च हराइये श्रृंखला गी 3-0 कन्ने जिती लैता ऐ। पैहली बल्लेबाजी करदे होई भारत दी टीम ने 20एं ओवरें च 9 विकेटें दे नुकसान उप्पर 137 रन बनाए। लक्ष्य दा पिच्छा करदे होई श्रीलंका दी टीम बी 20एं ओवरें च 8 विकेटें दे नुकसान उप्पर 137 रन गे बनाई सकी।

मैच दा फैसला सुपर ओवर राएं कीता गोआ जेदे श्रीलंका दी टीम छड़े 2 रन गै बनाई सकी जेदे च भारत दे कप्तान सूर्य कुमार यादव नै पैहली गेंद उप्पर चौका मारियै जित्त हासिल करी लैती। भारत ते श्रीलंका बशकार हून कोलंबो च त्रै इक दिनें आहले अंतरराष्ट्रीय मैचें दी श्रृंखला खेडी जाग।

<><><><><><><>

Olympic

पेरिस ओलंपिक 2024 खेड्डें च अज्ज भारत दे मुक्केबाज, निशानेबाज, तीरंदाज ते बैडमिंटन खडारी अपने-अपने मैच खेड्डंगन। मुक्केबाजी च टोक्यो ओलंपिक च कें दा तगमा जित्तने आहली मुक्केबाजी लोवलीना बोरगोहेन दा मुकाबला नोरंग दी Sunniva Hofstad कन्नै होग। निशानेबाजी च Aishwary Pratap Singh मर्दे दे 50 मीटर राइफल ते Shreyasi Singh ते Rajeshwari Kumari महिला शूटिंग क्वालीफाइंग दे मुकाबले च हिस्सा लेंगन।

<><><><><><><>

Manu Bronze

पेरिस ओलंपिक्स च भारती जोड़ी मनु भाकर ते सर्वजोत सिंह नै अज्ज मिक्स्ट 10 मीटर एयर पिस्टल शूटिंग च दक्खन कोरियन जोड़ी Oh ye jin ते Lee Wohno गी 16-10 कन्नै हराइयै केंह दा तगमा जिती लैता।

इस जित कन्नै मनु नै अपना नां भारती खेड्ड इतिहास च दर्ज करी दिता ऐ।
ओह भारत दी पैहली खडारी बनी गेइयां न जिनें इक ओलंपिक च दो तगमें
जिते न।

<><><><><><>